

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 957. An necessarium altari consecrando imponi reliquias SS.

[urn:nbn:de:hbz:466:1-73957](#)

ligneæ, modò sit tanta magnitudinis, ut paten & calicem capiat. Barbol. l.c. n. 3. cum Abb. Unde etiam, ut idem, si frangatur ille lapis, modo dictam magnitudinem retineat, qualemque de cetero formam illud fragmentum retineat, etiam separatum à basi, cui includitur seu superimponitur (cujus posterioris contrarium juxta jam dicta est in altari fixo) non excrabitur, aut nova egebit consecratione. Sylv. v. altare q. 5. Suar. Tom. 3. in 2. p. d. 81. f. 4. Barbol. cit. alleg. 27. n. 25. Laym. l.c. n. 3. Cönnick. Vasq. Sa. & alii quos citat & sequitur Castrop. tr. 22. d. unicus. p. 9. n. 7. ubi tamen addit, quod si dubium sit, an diminutio seu fractura impedit legitimam calicis & patenæ continentiam, Episcopum judicare debere & alteri hoc arbitrium committere non posse. Hujus autem inter utrumque altare differentia ratio est, quod consecratio altaris portatilis respiciat solum ipsum lapidem, & non structuram, cui adhæret ornamentum, consecratio vero altaris fixi respiciat lapidem cum substructa ei basi, adeoque, si ab hac separaretur, excretur.

2. Resp. Secundò; Altare non secus ac Ecclesia de jure communi consecrari nequit nisi ab Episcopo, ita etiam, ut ab eo committi quoque ejus consecratio alteri Episcopo nequeat. Azor. p. 1. 10. c. 27. q. 4. Barbol. de off. & pot. Episc. p. 2. cit. alleg. 27. n. 23. cum communis & juxta clara iura can. quamvis. dist. 68. Et can. nullus. dist. 1. de consecrat. cùm non minus sit Ordinis Episcopalis qualis consecratio Ecclesie. Potest tamen ea consecratio committi simplici sacerdoti à Papa, uti etiam religiosis societatis, versantibus in partibus remotissimis, ubi Episcopus Catholicus inveniri facile nequit, privilegio iis concessò à Paulo III, competere facultatem consecrandi altaria & FF. minoribus ab Honorio III. quin & Provincialibus Minorum Indianorum competere facultatem commitendi, aliis potestatem consecrandi aras, etiam pro usu alieno, in casu necessitatibus, nimirum Episcopis in provincia non existentibus, ab Adriano VI. testatur Castrop. tr. 22. D. unicus. 35. & Abbatibus cisterciensibus omnibus competere hoc privilegium concessum illis à Gregor. XIV. testatur Rodriq. tom. 1. qq. regul. q. 28. a. 2. Non tamen haec potest à simplice sacerdote acquiri potest per præscriptionem aut consuetudinem, etiam immemoriam. Abb. in c. quanto. de consuetud. n. 3. Azor. l.c. n. 5. dicens esse communem omnium Arg. ejusdem c. quanto. unde ait Reiffenst. b.t.n. 35. infine. non sequendum Engels h.t.n. 9. dum cum de Franchisp. 2. q. 28. n. 3. contra communem DD. assertis, posse consuetudine acquiri potestatem exercendi ea, quæ sunt Ordinis Episcopalis. Cui non patrocinatur illud; quæ privilegio, etiam consuetudine acquiri possunt; ut patet ex pluribus in contrarium adductis exemplis v. g. dum complex sacerdos ex privilegio pontificis conferre potest ordines minores & Sacramentum Confirmationis, non tamen vi ullius consuetudinis. item Laicus ex privilegio conferre potest beneficia non tamen vi consuetudinis aut præscriptionis, utpote quæ supponit possessionem capacitatis exercendi actus, per quos inducitur præscriptio aut consuetudo, qualis possessio citra privilegium haberi nequit.

Ques. 957. An necessarium altari consecrando imponi reliquias SS.

R Esp. Quanquam secundum sanctam antiquissimamque Ecclesiæ consuetudinem in consecratione Altaris maximè fixi, eidem includi & sigillo occludi debent reliquiae sanctorum certæ, si haberi possunt, idque ad minimum sufficenter probetur ex

6. I. b.t. & oratione que dicitur ad introitum missæ; Oramus te domine per merita sanctorum, quorum reliquiae hic sunt &c. ut libenter admittunt AA. jam citandi. Non esse tamen id ad valorem consecrationis necessarium, contra Sylv. v. altare q. 1. Azor. p. 1. l. 10. c. 27. q. 8. Durandum & alios apud Castrop. l.c. n. 4. tenent Abb. in c. 1. de consecrat. Ecol. an. 2. Suar. Tom. 3. in 3. p. d. 81. f. 5. Vafq. d. 23. c. 2. n. 16. Laym. in sum. l. 5. tr. f. c. 6. n. 9. Castrop. l.c. n. 3. Pirk. h.t.n. 26. Reiffenst. n. 40. Sed neque esse de præcepto generali docent AA. iidem, nisi quod Reiffenst. dicat sententiam communissimam habere, dictam consuetudinem imponendi reliquias servandam esse de præcepto, pro ut ipsum fateatur Laym. cuius tamen contrarium Castrop. Pirk. aliquique citatorum AA. recte probant diluendo fundamenta adversariorum ostendendo nimis, ex nullo jure tale præceptum generale erui posse. Siquidem esto, quod c. placuit de consecratione. dist. 1. desumpto ex Concil. Cartagin. 5. can. 14. continetur desuper præceptum, illud tamen non potuerit esse generale obligans totam Ecclesiam, quippe non latum à Concilio generali, nec receptum ab Ecclesia universalis: ad haec negetur dictum Concilium prohibere altaria sine reliquiis consecrari pro Sacrificio celebrando; sed solum prohibere ea consecrari sine reliquiis, tanquam memorias Martyrum, qualiter constructa per villas & campos merito præcepit dejici, ne essent occasio erroris putantibus ibi quiescere reliquias aliquas aut extare & tanquam vestigia & memorias aliquos martyris ibi passi. Sed neque ex can. 7. septima Synodi Generalis prohibentis templum aliquod sine reliquiis consecrari, inferri possit altaria illius debere continere reliquias dictas; cùm sufficiat ad implendum illud præceptum, eas asservari in aliqua parte templi, vel etiam imponi super altari, sicut imagines aliave illius ornamenta ita ferè Castrop. l.c. n. 5. qui etiam ait tali præcepto, dato gratis, quod aliquid fuerit, merito consuetudine derogatum dum multiplicatis tot altaribus vir inveniri possent sufficientes illis reliquia certa. Oratio vero memorata sensum conditionatum habet, si ibi sint reliquia, sive quorum reliquia hic sunt, non vero absoluè assertivum, quod ex ibi sint, dum etiam additur; Et omnium Sanctorum.

Ques. 958. An & quando in altari non consecrato celebrari possit missa.

R Esp. In eo ferè solo casu juxta probabilem & in praxi tutam sacerdos celebrare potest in altari, uti & in patena & calice nondum consecrato, & in paramentis nondum benedictis, quando alius sacerdos, sive bonâ, sive malâ fide in iis jam prius missam celebravit; eò quod ex prima illa celebrazione, utpote æquivalente formæ consecrationis alias ab Ecclesia præscriptæ, consecrata & benedicta fuerunt, & deinceps talia remanserunt. ita Delb. l.c. f. 11. n. 16. Et 17. remittens ad Henr. l. 9. c. 27. n. 5. in Glos. l. L. & in Glos. n. 6. lit. F. & P. Avila. de cens. a. 5. d. 7. Du. 3. concl. 2. Sa. V. Ecclesian. 19. Pasqualius Tom. 1. decis. 45. n. 4. & seq. Portel. in addit. ad dub. regular. V. Ecclesia. n. 5. & alios.

Ques. 959. Qualiter Altaria excrentur, & nova consecratione egeant.

1. R Esp. Primò: Altare tam mobile quam fixum continens in se reliquias SS. exercari seu consecrationem amittere, si sepulchro seu à loculo continente eas effracto sigillo, eximantur reliquia affirmat communis sententia, ut ait Castrop. l.c. n. 6. citans pro ea Sylv. V. altare q. 8. Angel. V. cod. §. 2. Sa. n. 1. Laym.